



إعلان بداية الحرب

آخر محاولة



01007677910 - 01111883712



3aberorg@gmail.com



www.3aber.org



عابر 3aber

جميع الحقوق محفوظة، وأي اقتباس أو إعادة طبع أو نشر في أي صورة كانت ورقية أو إلكترونية أو بأية وسيلة سمعية أو بصرية دون إذن كتابي من الناشر، يعرض صاحبه للمساءلة القانونية.



إعلان بداية الحرب

آخر محاولة

محمد عصام



المقدمة

توقف طفل للحظة، ثم نظر في الفراغ يتسائل :- ماذا لو قامت حيوات
أخرى في أماكنٍ مُتخِلِفَةٍ بشكلٍ ما ؟ وكيف ستكون؟..
والآن، مرحباً بكم في لعبتي او ما ادعوه بـ فضائي الخاص..

- محمد عصام -

الإهداء

لـ

- الله

- آخر جواب «مفتاح الشعر»

- (صاحب العُمر - توأمي - ثلاثة اصحاب بعثبرهم إهداء)

- رجلي الشمال «اول علامات عَجْزي وعَجْزي»

- عيلتي «مصادر الراحة المُتجددة»

- ستي الطيبة «عيد الفطر والأضحى»

- اصحابي «اخواتي المُقربين»، «شَلَّة الكلية»

- الكورة الي اخَدِت مِنِّي أَكْثَر ما اديتني

- الراجل الي بدعيله وانا معرفش غير سيرُته

- الأولى والأخيرة في صنف البنات

وأخيراً..

- ليا «أكثر حد وقَّعني وصبرَ عليا»

هذا الفضاء خيالي بحث من حيث ترتيب الكواكب والحياة عليها...

Start



ومن أرض السما الزرقا
تبص عينيك لـ سقف الأرض
هتلقى نجوم مبتنّورش
ودلّقت نورها في سمانا
سحاب إسود مبمّطرش
يقول للحزن: «مولانا»
قمر مختارش يسكن فوق
نفخ في الشمس طفاها
ومن غير قصد طقّانا

SKIP>>

٣٦٤ يوم

من كل عام
ورقة نتيجة بتقطع
لتاريخ قديم غامق
العام بينقص يوم
العمر يزيده
الذكرى بتعيده
وانا بتقطع منه
اول مفاوضة مع القدر
على حب يكمل - بالرجاء -
تخلص برفض
أول تعاون ويا أنثى...

بسيطة، هادية، مُنمّعة
ذات صوت رخيم

مكياج ومحطوط للحياة
علشان تبان..
أجمل في عيني الطيبة والمرهقة

على وضع احجار الأساس
في مغامرة دور أرضي بـ طفولة
تُسَمَّى «حُب»
وإتهد من زلزال قوي بـ ريختر «فُراق»
من يومها أيام السنة بتنقص تاريخ
وانا لسة بنسى على إتفاق

...

يارب عبدك ضلَّ ضلَّكَ
وَإِسْتَضَلَّ بِذَنْبِ نَفْسِهِ
وَكُلُّ يَوْمٍ يَرْجِعُ يَعِيدُهُ!
خُذْ بِإِيْدِهِ..

يارب انا ما كنتش كدة

يارب انا ما كُنتِش كدة
رجلي الشمال تَقَلَّتْ - أوي -
وبقيت بَزُّك من التَعَوْد.. مش عَرَج
وبقيت بكشَّر من مفيش وقت الهَرَج
معرفش انا اللي بقيت رِخِم
ولا التعب هو المُسَيطرع المَزاج
على كل حال
«الصبر مفتاح..» - لأ بلاش
الجُمْلَة دي مبحهاش
بتزيدني صبر!
وف قلبي نَغْزَة باحِسَّها تَأْنِيب ضمير
او دعوَة على شخصي الضعيف
من شخص ما
وفي راسي زلزال لما بيقوم بَرْتَحِف

وبخاف انا
أصحي على القبر وحساب
وذنوبي كسبانة ومفيش حل وهروب
لأ معتقدش..
فيه أكيد إتاجة فرصة أتعادل واتوب
وبقيت كئيب
بسكت من اليوم مُعْظَمُه
واضحك اذا صايف ومليت م السكوت
طول عمري فقري
زي زي لمبة في فرع زينة عيد
.. جديد
مبتشغلش
وتاريخ لـ شخص عظيم مُؤَثَّر
متنقلش
كلمة «بجِّك» من طرف واحد
مقالش
أول مُرتَّب.. شهر شغل ومرمطة

• • •

الزاوية الحادة في تفكيرك
إفْرِجها عشان تَفْهَم غيرك...

من غیر طاہور

العِبْرَةُ فِي كِتَابَةِ وَمَلِكِ
 الْفُوزِ مَا هُوَ دَائِمًا مَعَاكَ
 الْحِظُّ طَبَعُهُ بِ زَمِيلِكَ
 بَيِّدُورٌ لِكُلِّ النَّاسِ سِوَاكَ
 هَيْلَفٌ عِ النَّاسِ الْفُ دُورُ
 وَأَنْتَ الْآخِرُ مِنْ غَيْرِ طَابُورِ
 صَابَ حَظُّكَ الْقَاسِي الْغُرُورِ
 فِ النَّحْسِ ضَمَّكَ وَإِحْتَوَاكَ
 مُجَبَّرٌ تَدُوقُ مِشَّ الْجَمِيلِ
 أَوْ مُرٌ طَعْمُ الْمُسْتَحِيلِ
 وَالْمُمْكِنَاتُ مُمْكِنُ تَسِيلِ
 بَبْسَاطَةٌ فِي لُعَابِ الْهَلَاكِ
 تَزْعَلُ فِ تَسْتَفْسِرُ بِ هَلِ
 الْحَالُ هَيْتَبَدِّلُ بِ حَلِ ؟

والحظ ياخذ مُسْتَهْل
مع رمية تضمن مُبْتَغاك
تكسب تقول ما اجملك
تحسر تقول ده مُنتهاك!
- يا دُنْيا ليه؟.. ما اجملك
= رَبِّك وحبك.. ف ابتلاك

...

وهفضل أضقّر... كلامي المشقّر
في عينك جدايل
وشعري الي سايل.. في معقل وريدك
هيقدر يوقّر.. لـ قلبك رسايل
وينسخ بدايل.. في صندوق بريدك
في مضمونها قايل.. بحبك بريدك

ماعيش غيرك

ماعيش سلّم..
ينفع يطلّعي القمر
مش هعرف اطفى النور عشان نقدر ننام
ف هسلط الغيمة تداريه
وتسيب محاق
لوع القمر..
له حق يشعُر بالنفاق
إكمنيّ دايمًا بوصفك يا حبيبتى بيه
وبإن رُكن في روجك أجمل م الهلال
ف الباقي إيه؟
أو أمد ب فروع قلبي فوق رمشك ظلال
تبقى الحمام.. تتحامي فيه
وتجربيه في فصل الربيع
بيزكي عن فائض جماله المنفرد
للواقع اللي يتمدّحيه، وبينصفه
قلبي لو إنتي هتفتّحيه

كُلُّ البيوت
راح تَطْرُدُ السكان إليه.. تِسْتَكْشِفُهُ
شوفي انتي لَمَّا هِتَدْخُلِيه
فيه كام ربيع هيزيد عليه
بيفوق جماله، ويحذِفُه
ماعيش شَبَّاك..
يُطْل عليكي مِ الدُّنيا
ساعة ما عينيكي تَوْحْشَنِي
في أي مَكان
ماعيش أوهام..
تَفْصِّلِك حياة تريكوه
ب إِبْرَه وخيطها في خيالك
عينيا ب تُبصر الواقع
وروحي تَكْفِي وتساعنا
يادوب احلام تَجْمَعنا
ونُطْلَع خَطوتين في الجاي
نقول الحِلْم بيقَرَّب
مِن الي طلعنا علشائُه
ونكسِر صَبْرنا النافِذ

بِجُمْلَةٍ «كُلُّهُ فِي أَوَائِهِ»

مَاعِيشَ آلَةٍ..

تِلَحَّنَلِكِ نَعْمَ قَلْبِي

وَتِعْزِفْلِكَ خِلَالَ سِيرِكَ

بَدَوَّرَ جَوْهَ جِيبِ الْعُمَرِ

لَقَيْتِ إِيَّيْ..

مَاعِيشَ غَيْرِكَ!

زي الي جاب كوتشي وفريح
ورجله مبتورة
بجبك وانتي عند الله
واضحك مع الصورة..

٣ أشياء

بَصَ للسارق بـ حِكْمَة

بعد قفْشَة...

بَجَرَتْ مَسْتور جَريْمَتُهُ في الصالون

وَقَالَ بـ رَدَّةِ فِعْلٍ هَادِيَة :-

«إِقْلَعْ النِيَّةَ الخَبِيْثَة

وَاسْتَعِيرْ كُرْسِي وَسَامِرْنِي»

ظَهَرَتْ الدهْشَة في عِيُونِهِ

مِمَّا قَادَ بَعْضَ التَسَاوُلِ وَيَا نَفْسُهُ :-

«لِيَه مَثَارِشْ وَمَدَّ صَوْتُهُ

لـ وَدَن جَارِهِ؟

لِيَه مَا حَسَّشْ بِالْمُفَاجَأَةِ؟

زِي مَا يَكُون جَاي مَعَايَا

أَوْ دَخَلَ جَوَايَا يَسْرِقْ

- مَعْنَوِيًّا -

خِطَّتِي لـ سِرْقَة مَا يَمْلُكْ

بِالْهُدُوءِ مِنْ رَدِّ فِعْلِهِ

ولیه مفکرش فی عدا یا»

حط قلبه في نار سؤاله
وهو إيده في مية باردة
واكتفى ب نظرات تفحص
عينه بعد ما لبى طلبه
وقال ب نبرة حد واثق من قوالته :-

«فيه ٣ أشياء ثمينة
في الدولار الخاص بيا
مفتكرش يلَبُّوا حاجتك
هما اِغلى..

مما جيت موهوم تنوله»
كح كُحَّة ومد إيده
في علبة خد قُرس العلاج
ثم كَمَل..
«- صورة لـ ابني وهو باسم
زي إسمه
- صورة لـ شريكتي الجميلة

زي روحها

- صورة لينا إحنا الثلاثة

صعب اقول للموت سامرني

كان حرامي قبل مِنِّكَ

خد أصول وإداني صورة

بس ما باليد حيلة»

كح تاني بـ شكل أقوى

مد إيده وخذ منوم

بعد مُدَّة بيان نتايجه

ثم كَمِّل..

«بعد ما اتسرقت كنوزي

تفتكر..

ممكِن يَحْطِّي في قلبي ضعف

راجل وحيد مستني موته

لمين هيملك أي مال ويسيب دهب؟

ولمين يشد ستار سكوته؟»

بَدِّل الدهشة في عينيه لـ دموع ندم

قرر يغادر من سُكات

نازل كما النازل بجور دُمعه الكثيف
مربوط في رجله.. خيبة أثقل من ماضيه
بتشيده تحت بدون مقاومة
من مكان ما دخل بـ وعيه
لحد شارع...
فيه بيوت سَرَقَتْ في ناسها
أما عن مُفْرِط دموغه
ابتدى المفعول لكنه مكانش نايم
ساب ٣ اشياء في نظرة
كات ثمينه
وحاجة تافهة لأي عابر
لم بُوجَة ذكرياته
فوق محطّة قطر كان لازم يزوره
وحصّل الصورتين وسافر
...

مختوم عليك: محتوم

تدوق المر وتحبّه

ده طعم الدنيا لو عاجبك

مفيش شئ غيرّه في الحلّة

تقول: كلا

لكن هتدوق!

تجلىّ (الوصف) ب الأسوأ

وحطّ اليسرى ع اليمنى

وساق فيها وعلى النار

وسابلك قعرها المحروق

ملك وكتابة آدي المر

ووش الآخرة لو تصبر

فَ مِش هيكون ب هذا السوء...

فصل الليل

مش عارف انام!
 وكأن فيه عُمَالِ نِقَاشَة
 شَغَالين في نواحي راسي
 ونَحَّارين بيدقدقوا..
 وصدا ع ببيجي يهدّها
 سهران بَجَمَّن في الي جاي
 ف وقعت كُليّ في حُفْرَة سَمُوها «الي فات»
 واتبقّى مني..
 إيّد بتسْتَنجِد ب حد يشدّها
 بعد العناء
 وطلوعي على سلّم خيالي إلى السما
 جَرَبْت امدّد ع السحاب
 يمكن أَغْفَل..
 واندِمج في سُبات عميق
 خِلِي بيا وَقَّعني وسِهَرْت ٣ ساعات!
 وبقيت زبون عند الأَرْق

بياخذني عقلي ورجلي طوعه
 وقلبي واقف بين بينين
 فوق منه حمل
 دَوَامَة التفكير بتسحب للغرق
 والعموم ما بيني وبينه كان.. إني ارتضيت
 بـ فُعادي فوق الشَّط بـرسم
 قلب مش مكسور... بـ رمل
 جُمْلَة بـتهددها موجة بـ مسحها
 تايه في نفسي
 ولسة ماوصلتش لـ حلّ
 وكُل ما ارجع
 تبتيدي الدَوَامَة تَوْسَع ضِعْفَهَا
 وانا روجي نُقْطَة ضَعْفَهَا
 هيَّ أَنْهَا وبالْصُدْفَة روجي مع الأَسَف
 مش عارف انا!م
 عَقْلِي الْمُؤَلَّف.. مُبْتَكِر
 عارض عليا يادوب لحد اللحظة دي
 عشرين سيناريو بموضوعات غير بعضها
 مشهد لـ موتي.. وموت لـ ناس هُمَّا الحياة

وميعجبوش.. فَيَكْرُرُهُ
 أَكْشَنَ وَامُوت!
 أَكْشَنَ يَمُوتُوا!.. وَامُوتَ زَعَل
 فِرْكِشَ وَيَبْدَأُ فِيلْمَ تَانِي
 وَفِي النِّهَايَةِ يَغَيِّرُهُ
 تَفَاصِيلَ قَدِيمَةٍ بِقَالِي مُدَّةَ مَازُورْتَهَاش
 أَوْ زُورْتَهَا
 وَعَمَلْتُ نَاسِي يَجُوزُ أَصَدَّقَ كِدْبِي
 أَصَبَحْتُ زِي المَغْنَاطِيسِ
 بَجَذِبَ ذَنُوبِي.. وَلَا مَقَرَّ
 مَسَامِيرَ فِي جَسْمِي وَنَفْسِي أَرْتَاحَ مِنْهَا
 وَالذِّكْرِيَّاتِ زِي النَامُوسِ بَتْمُصَ دَمِي
 وَعَازِمَةٌ كُلِّ جِيرَانِهَا عِنْدِي عَلَى الْعِشَا
 وَالْأَوْصَةَ مَلِيَانَةً بِبَشَرِ
 وَعَيْنِيهِمْ إِحْمَرَّتْ بِشَرِ
 فِيمَا بَيْنِي وَمَا بَيْنَهُمْ قِصَصِ
 وَعَتَابِ وَجَرِحِ
 وَكَأَنَّهُمْ فُوتِي وَبَقِيَتْ «مَسْرَحَ كَبِيرِ»
 بِيَقُولُوا أَدْوَارَهُمْ بِنَبْرَةٍ حُزْنٍ.. بُرْكَانِ

وإنفجر
بيعاتبوا في جماد زبي آخره الإندهاش
وعينيه مايتدمعش علشان يتغسل
.. من حزنها
الشمس طلعت للجميع
وانا ليل مُصغَّر..
بَكَره النور لو مكاش من القَمَر
والضلمة نور الموجوعين
فَقَلت شبابيك الأَوْض
والبَلَكُونات غَمَقَتها
وكأني مصاص دم ممكن يتحرق
أو زي نَملة في جُحرها
بخرُج في فصل الليل اعيش ويا القطيع
واعمل بَيَات أوَّل ما ييهلّ النهار
تعبان اوي!
وعينيا ضعفت م السَهَر
وعشان اشوف الساعة كام
بعمل إيديا مِنظار ع العقارب
واما مَوْصلش لـ نتيجة.. افرك في عيني

كأنّي بمسح عدسة المنظار!

آن الآوان...

عيني ابتدت تقفل وفصل الليل خِليص

والفكر حط نهاية لي بيعمله

هعيل يبات طول النهار

يبجي القمر زي المنبّه في المعاد

وهعيد كتابة النص..

بس هعدّه!

...

ب عينيه رَسَم..
(ع الشط هو وهي تاني إتجمّعوا)
الرسمه دي من كام سنة
ملهوف تجيه
وبرغم شوقه بتوجّع
وانا جيت ب جُمْلَة مسحّتها
«سرحان في إيه؟»..

مركب نصيحتي

مش ناوي ب لسان قلبك الطيب يا صاحبي
تدوق فتاة وتحبها
جارتكوا مثلاً..
بينكوا خيط زينة وتحيّة
وكل عيد والعيد معاهم
احلى طبعاً
او حتى بينكوا ٣ شوارع.. توحشك
تنزل تعدّي شارعها علشان تلمحك
وتسرّحك
لو تمشي بإيديها الخفيفة في شعرها
وتروح وتيجي بدون سبب
تقابلها بره المنطقة
علشان ابوها له عينين
- صاحب - في أكثر من مكان
وتعدي قدام ناصيتك
منين تشوفها.. تبص على أي إتجاه

علشان مفيش لماح يقول:

تعرف عينيّه وبتعشّقه

أو بنت من بره النطاق

تقابلها صدفة..

ويرضو صدفة تكون وقعت

وتيجي ترسملي بـ كلامك حُسْنَهَا

وتقولِي فعلاً.. الحياة اختلفت كتير

فـ فاجئني صاحبي بعد مُدَّة

ب نبرة أشبه..

بالي صابت دعوته باب السما

وقال لي فوق مركب نصيحتك

إلتقيت شَطِّي الجديد..

حَب الي كنت..

بقَدِّف الأيام عشان اوصل لها

وَحَظْفني من حسرة وألم

ب سؤال إجابته تُضَرِّنا :-

«رأيتك مهم إني أسمعُه؟»

إحترت أقوله بـ إني كنت...

بخاف ابوها يشوفني راصد شعرها

وبإن غضرو في التَّهَب
من لفي في شوارع عينيها الضيقة
أو إني راكن قلبي دايمًا.. تحت بيتها
وبلكونتها ليل طويل
تقدر ب طَلَّة تنوَّره
وبإني لما ضربت بيها الأمثلة
ده عشان مفيش في عينا أجمل مِنِّها
مقصُدش علشان تعجِبَك
وتحطِّي قلبي تحبَّها
قال ب بشاشة وقلب طيب بعشقه :-
«الدور عليك علشان تدوق
في الحب فرحة مِن وَسَع»
رديت عليه :-
كان نفسي!
جربْت وفشَلت
وجيت ادوق قلبي إتلسع
...

من صُغري بطلع ع السنين
بسأل واقول.. هل زدت طول؟
وشكلي إيه؟.. او جنبي مين؟
لقيتني واقف فوق وحيد
ونزلت بلعن في الفضول!..

لو كف إيدي

عَمَّضت عيني وقولت: ياااه
لو كف إيدي ساب دراعي
وطال حاجات مش قادر اطوها
من هنا!
يَكْتَبْ لَأَيِّ قُصَاد عينيها
بِإَيِّ رَغَم البُعْد.. طيف على مَقَرَبَة
عارف بِأَنَّهُ يادوب كلام فوق الِوَرَق
لَكِنَّهُ يَنْفَع طَبْطَبَة
يلْحَق دموع سِت البنات
قبل اَمَّا تَبْدَأُ تَنْتَحِر.. من فوق رموشها
وتَنْتَهِي بِ مَأْسَاءَ في قلبي
وَكَرْكَبَة
يَنْفُضُ ثُرَاب مُر السنين
من قلب ابويا الي اترَدَم
يَعْرِف على بيانو الحياة
مقطوعة «الصبر» الي بَتَمَثَّل لي غاز الأَكْسُجِين

علشان انط..
 حواجز اليأس الطويلة المرعبة
 أو لو هموت..
 يخرج يورّع نبضي ع المحتاج ل نبض
 .. وينقذه
 يصرف ذكاة من كل قبض
 ل شخص أصبح.. مجتمعا ب ينبذه
 يرفع صوابه في كل قاعة محكمة
 يضغط يطبب..
 كفة العدل ب شهادة تمرّكه
 يكتب قصايد عني.. ترفع
 حمل أثقل م الجبال
 ومخالب الهم اللي نزلت فيا هبش
 غمضت عيني وقولت: ياااه
 لو كف إيدي ساب دراعي
 وطال حاجات مش قادر اطولها
 وفك نفسه من الكلبش!
 ...

حاسس كأني..
حمضان جوة سوستة
في شنطة الطِفْل الي سابها
في حصّة الألعاب في حوش
جنب الحيطان
وإنداس عليها بالقَدَم
أوقصدي اقول
حاسس كأني إستهلكت مِنِّي الحياة
«طعم الحياة»
وبقيت عَدَم...

باعيد نفسي

باعيد أحداث كثير جداً
بلا تفكير في نتائجها
بلا مبالاه
بدخل نفسي في شوارع
آخرها عرفت إنه إتسد
من المرة الي قبلها
بجربش كارت متخربش
كأني رفضت يظهر ليا.. «نحس سعيد»
و«حظ تعيس» في دي المرة
بودّيني لـ بيبان حطّي الي مقفولة
واكمل حَبَط بالأيام.. بدون جدوى
مريض والحزن بقى عدوى
بمسّكني القلم واكتب ٣ كلمات
«مفيش» و«خلاص» و«مش فارقة»
واقطّعها
مفيش داعي إني اخلّيها

خلاص هتكون آخر مرّة
ومش فارقة إني اعيد تاني
وامسكني القلم واكتب واقطعها
بمئسني

في كل مكان بيوجعني
 وكل يومين بمشّيني وبرّجّني
 وادخلني في حوار ملّيت
 يدور بين نفسي.. ومابيني
 فاصدّعي.. واقوم زهقان فاطلّعني
 بقيت برّجل ميسك نفسه
 وبيلف في مُحيط دايرة
 بقصد وغير
 ميعرفش الوصول إمتي
 لكن بيلف
 ومش عاوز مادام ماشيّة
 وصلت لـ درّجة إني بقيت
 باعيد نفسي في شريط بيسف

قبل اما حبل الفرقة يتحكّم على رقّبي
من حقي اطلب طلب
في آخر مرة هقابلها
عشان بعد السنين ما تمر
ماندمشي..
إدوني حظ الدنيا لـ دقائق
أحضرها.. وامشي

لو يسألوني عن حُضْنِك

لو يسألوني عن حُضْنِك هقول:

«وَسع السَمَا»

مش عاوز أقول وصف الجميع إستخدمه

يكفي إنه بيساع شخص زي

مُتردد.. مريض

عصبي ومزاجي

وفيه حروب جواه مبتباناش لـ غريب

الصلبَة اوجاعي الثقيلة

بتتحول بُحَار ماء جوه حُضْنِك

سحر باين!.. شئ عجيب

انا مُندهش

عيل كبير

محروم من الدُنيا اللي بره

وهو عازل نفسه في العَالَم بتاعُه المُنفَرِد

بيعيش طفولته في كل مرة بيحُضْنِك

هقول: «تراك مزيكاً هادي ومُخْتَلِف»

مَعزوف عشاني وكل ما اهرب
لازم ادخل واسمعه
يخلص اروح على بدايته
لو يسألوني عن حُضنِك هقول:
«مَجَرَّيتوش.. تَحَيَّلْتُهُ»

برمي انتماء

برمي «إنتماي»،
و«خوفي تُفَعِّي في قَبَضَتُهُ»

فَيُخَسِّرُكَ عِدَّةَ شَبَابٍ
بِيَضْمَدُوكِي فِي عِزِّ حَنِيَّةٍ صَهْرُهُمْ
مِنْ خَرِبَاتِهِ وَعَصَّتُهُ

مِنْ فَتْحَةِ الشِّبَاكِ فِي تَاكْسِي الْعَاصِمَةِ
مَمْكَن - اوي -.. يَقْفِشْنِي بِيَهُم عَسْكَرِي
فِي كَمِينٍ بِيَبْحَثُ عَنْ تُهْمٍ مِتْلَفَقَّةٍ
فِي جِيُوبِ مُوَاطِنٍ مِلْيَانِينَ بِيَهُم لَا بَدَ
وَلَا حِيلَتُهُ غَيْرَ حُبِّكَ وَاحْدَاثٍ مُعْتِمَةٍ
يَرْضِيكِ يَرْضِيهِمْ اَغْيَرُ جَوْهَرِي؟
غَيْرِي اِعْتَقِلْ، وَالتُّهْمَةُ بِيَجِبُّكَ اوي
يَرْضِيكِ ظُلْمُ الْأَشْرِطَةِ؟
مَشْ مَفْتَرِي...

علشان افرط بالسهولة المُفرطة
لو يعصروني هنزلك وانشف شقا
وإن قولت ب عَفْوِيَّي الطايشة:-
«هرميكي برايا»

راح يبقى فين البيت ؟
وب ميكروفون غُلبي الجهير:-
«حُكامها براية»

ع الكلمة ليه إِتْسَنَّت
موسهم بيبري الباقي من آخر امل
والباقي من علاقتنا هامش - غالبا -
إديني عقلك يمكن اقدر احلها
مش شرط تبقي معايا قلب وقالبا
انا هعمل ايه ؟ وعملت ايه ؟
إفترضي مثلا إِنْهُمْ أَهْلِك.. واشك
وانا بجي طالب إيدك الأمن وامان
عيل وطايش حبها بدافع جنان:-
كل أما يعرف غيرها يرجع عندها
والمهر «ثورة» وحِّي ع السكن النضيف
والعدل اطهر مكنسة

وأمّا اترِفُض!

اشتمها وازهق وامشي في الشارع زَعَل
واغضب وابص لـ غيرها مفتوح حُضْنَهَا
- مواردٍ بسيط -

وعارفي في العصبية عيل فنجري
كُلُّهُ إِنْسَى

برجع بسرعة بعد ما يفكُّوا الكمين
فالقى إنتماء كل الي عدُّوا بعد مني ع الرصيف
اضحك واقول:- يا سِتِّنا!
شَعِيكَ تَعِب، خاف م الكمين والعسكري
يالأسى!

فيه سؤال هنا وحيرة ونَدَم
اذا كنت انا عيل صحيح
خوفت اني ازوّد هَمَّهَا
باقي إنتماءات البَشَر
مين الي ناوي يِلَمَّهَا؟

...

غريبة!.. المرة دي جيّالي بالفُستان
وعلى غير عادتي مش فاهم
عينكي وما يدور فيها
كأني دَعيتك الليلة
لـ حَفْل وداع يليق بيكي.. وبـ مساءك
فَـقَرَّرَتي..
نودّع بعض من غير جرح
بـ رَقْصَة آخِرَة على لحن انتي بتحبّيه
رُقِيقَة حتى في فُراقك!...

آخر الشارع

شوفتك..

في آخر شارع عندي نيّة اني ادخله

انا اصلي عارف مَشِيَّتِكَ

مافيهاش مياصة أو دَلَع

واللبس فُضفاض - مش اوي-

زي امّا عَوْدَتِكَ زمان

على غيرتي من كُلّ البشر

والشَنْطَة واخدة..

كِتف م الاتنين لـ تَحْت بـ تُقْلها

جِسْمِكَ يميل

كان فيه ما بينا حاجات كتير

لكن ما طُنَّش يبقوا فيها

و تُحْضِنها، في كل مَطَرَح بتروحه

إخلاص لها!

واول ما أَيْقَنْتِكَ زِعِلت

ودَخَلت شارع غيره بُعداً او هروب

شوفتك زُهلّت!
إزاي بتبقي في كل شارع بدخُله؟
بهرَب لـ جُوءَ المَصيدة!
زي الغبي..
لأ والغريبة في آخره برضو
بنفس ترتيب القَدَر
عاجبك كِدة!.. تبقيلي طيف
لأ والمُخيف
بخلَق مِسافة تَكْفي أكثر من قرار
يا ادخُل واشوفك وافقِدك
يا ارجع واعانِدك بالفَرار
...

قال أنَّه «تعبان مش هيقدر»

وأنَّه «ييموت م الوجع»

علشان مينزلش يقابلنا

واعترَض

صاحبي الي قال كِدْبَة وَحَبَكْها

بتجري أسرع مِنْهُ وبرجلين طُوال

يقضوا الغَرَض

وانا رَجلي اقصر مِنْها توهمت مجبتهاش

صدَّقَها!..

مات من يومين وبدون سبب

أَوْ فيه ومبانش

سبب الوفاة:-

كان التمارُض مش مَرَض...

٧ محاولات إنتحار فشلوا

٧ محاولات إنتحار فشَلوا

أو للأمانة أنا السبب

كسَّرت كل ساعات البيت - حَذَر -

صوت العقارب كل دَقَّة سئيل ب شكل

وكأُتُه مِرْسال إنتظار

وانا عندي عَجَلَة مِن الشيطان

والصبر صِفر..

«قطع الشرايين» أنثوي جداً

مايليقش عليا ولا ف بالي

مايجبش مسك السكينة

ولا عمري قتلت مشاعر حد

ولا قطع وصال

ولا وتر الحب في قلب صديقتي الي قالتلي :-

«بحبِّك جدا

بالرغم بأنَّك مش حابب

وإن ده لا بـأيدي ولا بـأيديك

مكتوبلي ماخُشَّش في وريدك»

فد فتحتلها!

والمبني عليه

القطع مُحال بالنسبالي

وبدأت افكّر في بدايل :-

- أول ٣ إخترت حبل المشنقة

وإخترت وقت يكونوا بره في شغلهم

ودّعت أشياء م الأكيد هشتاقلها

وطلعت اركب حبل بس يكون تخين

وبدأت عد تنازلي

واول ما بوصل صفر.. برجع اكرره!

فيه حاجة كل ما اقول هموت.. بتشدّني

قَطّعت صوري معاها ومَسَحَت التاريخ

والذكريات

ودموع جميع الخلق بعدي

ان جت في صف تَحْيِي

قررت اكون قاسي وحَجَر

ماحسبلهاش

وطلعت اجرّب من جديد

وبدأت عد تصاعدي.. طَوَّل أوي!
فيه حاجة نَقَصِتْ في الي معمول حِسِبَتَه
قولت بناقِصها.. وجيت أنْط
الظُّهر أَدِّن فجأه!
قررت الرجوع عن فِكْرِي
- ومحاولتين فوق سطح بيتنا
مايين هخاف م الوقعة دي
وبين هخاف بعد أَمَّا انط
يشوفني حد او اتلِحِق
فد اكْمَل عُمرِي بين عاجز وبين مكسور
وده قتل يومي بكل سكاكين الوجع
وبدون نجاح..
- ومحاولتين بالبُعد عنها إلى الأبد
فد عَلَبْنِي شوقي لـ ثانيتين.. كانوا مُعَانَاه
كَلَّمَتَهَا..
وَفَتَّتْ على كل الي فات
فد حَدِثْتِي من قلبي بـ سذاجتُه لـ عندها
أو للحياه!
...

زَرَعْنَا القلب عِ الناصِيَّةِ
حَصَدْنَا حبيب مابِعَدِش..

آخر جواب

آخر جواب..

كان فيه بوادر الانسحاب

لجل الخروج م الإكتئاب بالفضفضة

آخر جواب مش من فضا

وماهوش عتاب

ده عشان اكمل راضي مُجَمَل سَكَّتي

مقصدش مِنْهُ.. إني ناوي نكون سوا

بالعكس تأثيرك فَلْت من جتتي

زي الهوا..

مابقتش بسرح في اللي فات من عُمرنا

مابقتش بزعل او بخاف او برتجف

شكل الحياة راح م المؤكد يَخْتَلِف

والراحة دايماً تتحسم حسب الدوا

حتى الورق..

مابقاش يزورني في وِحدتي

علشان اسبيلك فيه حَصِيلَة كام سنة

وان الفراق خلاني سُسخة لـ مُنحني
او حتى اقولك إني مافضليتش انا!
لجلن تردي وتكتبي..
فدياريت بلاش تستعجي!
لو قولت إنَّك بس هاجس ع الورق
وإنَّك مُجرَّد شوق وخدني لمفترق
وان إنتي قش ساعدني لكن.. ع العرق!
ده لان عُذرك في البعاد كان مُحْتَلَق
وان انتي كنتي بتكدي
مابقتش بسهر في الشتا تحت المطر
ولا حتى احب الوقفة تحت البلكونات
مابقتش اصبر بيكي قلبي الي انفطر
مابقاش فاضلي في ضلي شئ م الممكنات
جواباتك الي شالتها عيني في نَنِّها
خوفاً عليها من التَّلف او م الضياع
كلماتها كانت اكسجين لي كِنِّها
دايت من الخوف الي غيَّر الانطباع
اسفلت شارعك الي خد على خطوتي
مابقاش يدوقها صُدقة من يوم بُعدها

اسفلت شارعى الي ابتسم على ضحكيتك
معادش يضحك تاني ليه من بعدها؟
ضمّة إيديكي الي إنعزمت لـ حُضْنَهَا
ما بقتش تفتحلي اما اخبَط واطلبه
ما بقتش تسمحي بـ عياط على كتفها
معادتش تتصدر لـ حُزْنِي ف تَغْلِبُهُ
سبب الكلام.. شرح ل هلاوس مزعجة
مش من دواعي المسألة والإحتياج
وما هوش جرس دَقُّه الحنين بالمطرقة
انا بحمي روجي من مشاكل الازدواج
وعشان ماخُشَّش في اكتئاب ويهدّني
ويدوب هَوس طيف الهروب لو شَدَّنِي
وابقى في طابور عرض الأمل ف يعدّني
كان لازم ابعت وقتها آخر جواب..

...

انا واني كُنَّا وَلَا اقولك
«كُنَّا» ملهاش اي مطرح في الي جاي
مش هداوي الماضي بالضحك الكثير
مش هعدّي الأزيمة ب هروب مِنْهَا
الذكرى حالفة تَرْجِعْكِ فيا ب ضمير
وانا عندي مَخْرَج من مكايده زَنْهَا
عجلة الأيام تَعْدِّي على الي ساير
ما بتَقْفَش على الي رايح.. هي سُنَّة
ترتبط افعالي ب جميع الضماير
إلا ماضي وحيد مُجَرَّد.. هو "كُنَّا"

SKIP>>

(Level 2 - completed)

بينوكيو - Pinocchio

بينوكيو ازاى
فَصَلْ مناخيرُهُ عن وشه
ورجّعها؟
وشال رجليه يرَيَّحها
وفك إيديه وجمّعها؟
ملوش فى القلب ومشاعُرُه
خَشَب.. وان شَب
يصبَح باب
عينيه مفيهاش بحور احزان
تَنَزِّل موج
فى وقت الضعف ك الانسان
لكن يتحب..
لدرجة لو طَلَب عَيل صبا ع من إيده
هيفُكُّه

ويسهر في الليالي البرد
يخون الشجرة ويا الفرع
عشان يعمل صباغ غيره
بدون ما ضميره ما يشكّه
يخاف من نارنا لـ تطوله
وهو قصير
ويفرد في المحيط طوله
ومبيغرقش - في التفكير -
بيكره م الطلاء لونه
ويكره م الحديد صدأه
ويزعل لو شجر فارقه
عشان شغلانه مضمونة
في اوضة نوم..
دولاب وسرير
يارب حبيتي لو تقدر
تتركب قلب من طوكيو
ولو كان الرغل ضافر

ميتَخَرَّبْش.. وتسافر
في مركب ضايعة من عيني
تسيب إيد البعاد يمشي
ومتعَيَّطش من رمشي
ومتبَلِّش بواقي الروح
وانا ابقى جماد كما بينوكيو

...

قدّم لها الورد البلاستك
جاملته
وقالتله ريجته المرّة دي
اجمل كثير
وقالتله راح تسقيه ب كلام
عنه وعينيه
جبرت ب خاطر الورد
رفقاً بالفقير...

مُسْتَهْلِك مُسْتَهْلِك

اكيد جرّبت قبيلك ناس

مُسْتَهْلِكِين

اكيد جرّبت قبيلك ناس

مُسْتَهْلِكِين

عليا ضريبة إستعمال

وكام خربوش وكام خبطة

وكسر قديم من الإهمال

وفيا زوايا مش ظابطة

وفيا صراحة فوق الوصف

وآه.. ترّبت قلب نضيف

ومكّنتوش

وقلبي الحردة لسة لطيف

مصعّرتوش

مَعْصَشْ إِلَّا مِنْ جَرْحُهُ
وَأَثَرُ الْعُضِّ فَوْقَ سَطْحِهِ
مَلُوشْ تَجْمِيلْ/ وَمَشْ هَسَّالْ
مَتَتَفَاجِئِشْ أَنَا بِصَارِحْكَ
مَا عُنْدِشْ قُدْرَة وَلَا طَاقَة
أَسْدَدْلَكَ دِيونْ جَرْحْكَ
أَوْ أَتْدَايِنْ بِذَنْبِ جَدِيدْ
فَدِتْحِكِي لِي غَيْرِي تَفَاصِيلْكَ
وَنَفْسِ الْعَصَّةِ هَتَجِيلْكَ
بِحَذَّرْ بَسْ!.. مَشْ تَهْدِيدْ
وَعُنْدِي الضَّغْطْ مَشْ وَاطِي
وَمَشْ عَالِي وَمَشْ مَعْدُولْ
وَمَتَفَائِلْ بِإِحْبَاطِي
وَنَبْضِ الْقَلْبِ كَالْبَنْدُولْ
وَهَادِي وَاحِّبْ إِنْصَاتِي
وَبِرْغِي بِشِدَّةٍ لَمَّا بَقُولْ

وليا اصحاب على الهامش
وع الهامش مانيش صاحب
وجلد الجبهة لو كامش
بكون في الضيقة مش راغب
محاولة الانتحار فشلت
مجرّبتش.. بحمّنها
محافظ عمري واتنشلت
وملحقتش اءمّنها
وبسهر افكر الذكرى
واحب الصدقة مُدمنها
مبتأثرش بالحكايات
وبحكيها ف بتأثر
بكلم نفسي اغير منها
واكلم غيرها تغريني
اظنّ كفاية.. خَصّيتك
ده طبع صراحتي ساحيني

تَحَبُّ الدَبْشِ والزَقَّة

وَلَا إِخْتِشِيتْ

وَلَوْ عَالَمِيَّةُ «حَبَّيْتِكَ»

مَوَافَقَةُ إِنْكَ تَحْيِينِي؟

وَلَوْ مِنْكَ هَقُولُ لَأَهْ

قَامِتْ مِشِيتْ!

...

التكنولوجيا وسحرها
مافيهاش علاج للإحتياج
ولا تعويضات للمفقودات
ولا تأكيدات للأُمْنِيَّات
ولا عُمر غير الي إِتْسَرَق
التكنولوجيا في عِزِّها
اضعف من الخوص والورق

في الرحلة

يا ترزي الرحلة فصّلي
مقاس اضيق من الضيق
وضيف مخرَج يقربني
لآخر نفسه يوصلي
ونفسه اروحله في التوقيت
يدوبك كام مطب فاشوش
بيمنع اني موصلوش
ولازم وقعة تحصلي
وبخسر ناس طول المشوار
تفك زرار احط زرار
واقول الدنيا هتعدّي
وامثل اني من غيرهم
ضليع في الضحك مين قدي
وبرمي الحبل ع الأعذار
وتقطع بالدموع غرّة
اداري القطع بإيديا

عشان ميبانش من عيني
تزيد الفتحة تاذيني
واقول معلش دي عينيا
طرفها صباغي بالغلطة
وعارف انها اوانطة
مش الطرفة اللي تبكييني
مفيش كداب بدون تمثيل
ولا زم تحبك الكدبة
مفيش ولا شهر مش إبريل
مفيش اوجاع بدون ندبة
مادومت بـ إبره تكويني
وتعكس اصل تكويني
فـ برفيها بـ رقات مني
وءاء كدع الرقات بـ رقات
وبتني الباقي من عمري
عشان ما يدوقش م الأزمات
وافصل جيب من الذكرى
واحوش حظ ينفعني
في اهلك واحلك الأوقات

وبعد ما تَخَلَّص الرحلة
باحس بـ وحلة الوحلة
لإن المَخْرَجِ إنْقَفَلَ
كأن العمر كان قاصد
يقولي معادش فيه آخر
وان الفايذة في الرحلة

...

يا صاحبي فارق.. وَلَا اقولك

بيننا عشرة وعيش وملح منبسا هوش

اينعم بزعل لكنني.. باقي ع الحلو الي فيك

فيا ميزة وعيب قاتلني.. ان زعلي تقيل وأديك

كل ما بتبعد وترجع.. تلقى ضيقة وهم خدني

وإني لما إحتجت كتفك.. اجي ادور مش لاقيك

SKIP>>

المُشْتَرَى

(Level 3 - completed)

حق الموسيقى ع الدخان

كان يحصل ايه؟
لو كل نوتة موسيقى سمعتها إجتسدت
واتمددت
وبقيت بشوف الـ «دو- ري - مي» ويا الهوا
فيه حاجات اظن هتختلف
تتحل مشكلة الأصم مع الموسيقى
يشوفها نَمَّ يحسها
مُشكِلتِي ويا الزحمة والدوشة الصُدا ع
وانا شخص بتنقّس هدوء
يخْرُج زفير «أكسيد تعب»
يتحول الشارع بيانو وأرضه مفاتيح تبتدي
تعزف بـ حَظوة كل فرد
وكل ماشي يضيف لـ غيره.. يكَمِّله
ونضيف شعار جمب القراءة
«العزف مسموح للجميع»
والرقص ممنوع ع الوحيد من غير شريك

لوحتی ناوی یمثلہ

إِشْمَعْنَا دُخَانَ السَّجَائِرِ وَالْعَوَادِمِ وَالتَّرَابِ

- النوتة أولى -

في منافسة بين دُخان ولحن

فی مین احق نشوفه او نستهلکه

وبدون محاولة

اللحن يكسب بـ إكتساح

عُمَرَكَ قَرِيتَ مَا نَشِيتَ صَحْفِي خَطِيرَ يَفِيدُ:-

-«مزيكا قتلت شخص افراط في التعاطي»

-«لحن أدى إلى الوفاء»

- «تركيب مُرَشَّح للكمانجا عشان بتعزف لحن بيلوث هوا»

عُمَرُ المَوْسِيقِي مَا كَات خَطَرَ

زي المُتاح

نتایجها ابط من کده:-

*بتقلل الحزن في كرات دم الحزين

*تفتيت جُزيئات الملل في الاوردة

*تفعیل مضادات اِکتئاب

فہیحصَل اِیہ لو شوفتہا!

وجيت اولّع سيجارة دخّنت كوبليه

عشوائي من غير إختيار
وف مَطْلَع الأُغْنِيَةِ يسْكُت كل صوت
سَبَّب نشاذ من حولها
او يبقى عندي فضول اقْرَب
من سيجارة حد جنبي
اشوفها واسمع دَخْنِت أُغْنِيَةِ ايه؟
او لما اكون في طريق وحيد
أسمع «Sinatra» أو «Adele»
لو مرة من غير سَمَاعَات
ب شعور اكيد أَحْسَد عليه
او حتى ليستة مفضلة.. وبصوت نقي
يدخُل مباشرة لقلبي
بدون ما يلمس اي ضلع
يرويلي دَبْلَان وردُه من كُتْر الأَلَم
يصَبَح بوكيه
فيه حاجات بسيطة مُعَقَّدة بفعل البَشَر
وَحْدُه الخيال يقْدَر في لحظة يُفَكِّها
مديون يا دُخَان للموسيقى
وكل آلة ومُسْتَمِيع

لـ كل كُحَّة وكل سرطان في الرئة
وكل تكاليف الدوا
كات هي أولى بـ كل حق بتملُّكُه
من حيث ظهورك للعينين
كان يحصل إيه؟
لو كل شئ حواليا أصبح سماعات
والكون وسيلة لـ تَرْجِمَة لحن الآلات
عبر الهوا
وبقيت بشوف كُل النِوَت
بتلف حوالين البشر وبتترسم
في الحالة دي..
ضِلِّي الي مَبِيطْهرش غير حُزن وغموض
او صمت تام
ممکن اشوفُه بيبِتِسِم
...

هَيَّ مَرِّيَكْتِي الوحيدة
اللي لو هتكون نشاز
وَدْنِي هتوزَّعها صح..

عطشان عُنا

لَمَّا إِنْسَجَمَتْ مَعَ الْعُنا
كُلِ النُّوتَاتِ إِتْفَكْكَتْ
وَإِتْجَمَّعَتْ وِيا الهُوا
فَجَاءَ الْغازِزَاتِ إِتْلَحَنْتِ
وَإِتْمَايَلُوا بِإِيقَاعِ مُنْتَضِمِ
مَعَادِشِ شَيْ ثَابِتِ هِنَا
وَالْكُونِ صَبِيحِ نُوْتَةِ وَآلَاتِ
الرَّقْصِ سَلُوا اللَّحْظَةَ دِي
وَإِنَا رُوحي رَهْنِ الْإِنْفِلَاتِ
هَسْرَحِ وَاطِيرِ، دِلُوقْتِي غَيْرِ
الْكُونِ بِيرْقُصِ إِلَّا إِنَا!
كَامِ سِيْمْفُونِيَّةِ وَكَامِ مَقَامِ
بِيرْدُوا عَلَى بَعْضِ بَشَجَنِ
وَبِيَانُو بِيْنَا فِسْ كِمَانِ

على رتم هادي بدون اصول

تمسك ب ايدي الـ «مي - فا - صول»

وتاخذني عالم راحتي فيه

كل الهدوء ساكن هناك

العزف زي الأكسجين

كل الآلات بتعيش عليه

«ري» تبتكر أسلوب فريد

في الرقص ويا الناعمة «دو»

فـ اضحك لهم، تهادينني «مي»

لحن إرتجال محلى الكادوه

والمعزوفات آخر جنان

لما إنسجمت مع الإيقاع

حسيت بـ إن الوقت ضاع

الرقص كان دون إنقطاع

وانا كنت اوتار المكان

اعزف فـ يفضى من البشر

او قلبي يتكدس سكون

...

عَمَّروا خِزَنَ البَنَادِقِ.. حِلْم
واصنعوا بدل الخَنَادِقِ.. بَيْت
اطلقوا بدل العِيَارِ.. أَجْيَال
يقلبوا الأرض الي بَارَتِ.. غِيْط

حرب الآلات

إبدأوا الحرب النهاردة بالموسيقى
واوعوا تنسوا تعمروا خزن الآلات
علشان تكفي المعركة والإحتلال
كل اللي ممكن يبقى ميت
- لحن خسر الأعداء نزال
- وترا تقطع..
من فرط تنفيذ النوت
أو ضرب طلقات الـ «دو - ري»
- آلة اغتنمها الخصم مكسب
بعد فوزه
وكل جيش يقدر في لحظة
بتون يرد
اما اللي برّة الحرب هيعيشوا المنافسة
بدونهم
والإحتلال أصبح بدون.. حرمان وضرب
أو إختلال في توازن العيشة بسلام

مستمعين بالحرب مع إن المُسمى

خطير.. يُخْض

ف بدّلوا كلمة «ضحية» بـ «لحن سئ»

أو «وتر»

يبقى «العساكر»

جوه فُم الممعة بـ «العازفين»

و «إيلات»... «آلات»

«أهل البلد» بـ «المُستمع»

و «رصاصه» بـ «العزف الحزين»

ع النهج ده..

ممکن انقّب عن حلول تفشي السلام

جوه الحروف.

هرْبُط جبال..

مقطوعة بين كل الدول، مع بعضها

وارفع علم «عالم سوي»

فيه جرح يتدواى في ساعتها

وخوف من الآخرة وساعتها

ووسع في الدّولة وسّعيتها

وحجمها..



يا حِلْم قَرَّب.. وَلَا اقُولُكَ
رَبِّي كَاتِبِ إِنِّي اتَّعِبُ فَا الْحَقَّ
بِسْ مَتَسَوْقِشِ الْبِعَادِ وَتَغِيبِ أَوِي
هَجْرِي عَلَى أَمَّا هَقْدَرِ وَأَوْصَلْكَ
وَابْقَى خَائِفٍ بَعْدَ مَا اتَّعِبُ بِالْقَوِي
يَطْلُعُ الْمَجْهُودُ قَلِيلٌ.. وَلَا فَشَلِي يَحْصَلْكَ

SKIP>>

زُحِّل

(Level 4 - completed)

كابوس متشافش

بَكَلِّمْنِي..

وواقف فوق جبل ناطح

سحاب صفى زمان روجي

ودلوقتي..

يَغَيِّم من سوادها الخام

بفكر انط من فوقه

عزائي الوحدة والأحلام

وغيرتي على الفرص لما

هتكها الحقن بالأوهام

وإدمانها الفشل مهما

عالجها الصبر كام مدة

لحد ما جف صبره وباش

يأثر خوفي ع الغدة

تزيد درجة حرارته الضعف

وغلبني الفرع والضعف

ودقات قلبي تستعجل

يهل الموت يوقفها

بقَدَم خطوتين بالرعب

وارجعهم في نفس الوقت

خلاص..

مش عايز اموت دلوقت

وهرجع ثانية للماضي

واودّع كل شئ ممكن هيوحشني

بنات افكاري تتسرب توشوشني :-

«هتمشي خلاص مفيش ولا حل»

ارد عليها من دمعي اللي حَوَّشْتُهُ

محمل كره للعُمر اللي حَوَّشْنِي

واعيد الخطوتين تاني زائد خطوة

واعصاي.. تفارق جسي بالتدريج

واسيب جسي...

يعافر في الهوا الملهوف

يحاول انه يلحقني
وخارج عن ارادته يسب
يزورني الماضي من تاني
بنفس الدقة والترتيب
مشيت طول عُمرِي في الدُنيا
ومعْرِفَتِش هروح على فين
واقول مش فارقة طول او عرض
لأول مرة اكون رايح
وعارف ان اخري الأرض
مفيش ولا شئ هيمنعني
لأن الوقت فات ع المنع
تاخذني الأرض حُضن شديد
في احسن حُضن جَرَّبْتُهُ
أَخَذَ هَمِّي .. وَأَخَذَ ضَغْطُهُ
وافْتَحَ عيني مستغرب
فيه نبض ولسة بتنَفَّس ؟
ادقق في الحاجات اكثر

وأفوق م الصدمة والغيبة
أطمئني.. وأقول «متخافش»
وهنقول الي شوفتُه ده كان
كابوس حالك..
ف جه ومتشافش!

• • •

قَعَدَت عَيْنِيَا اللَّيْلَةِ دِي
فَوْقَ السَّحَابِ تِسْتَنْظِرُكَ
يَا هَلْ تَرَى؟.. الشُّوقُ نَدَاهُ
أَمْ كُحْلُ عَيْنِكَ حَذَّرَكَ؟
فَزُورَةٌ صَعْبٌ أَحَذَّرَكَ..

فيه شوارع فاضية جوايا
مين هيزعل لَمَّا اعزَّلني؟
كل دول اعدائي مِن صُغري
كات إجابة كُل شئ لَأُه
جَلمي واقِف تحت مِسْتني
وانتي بتفاصيلني في الرَّقَّة!

...

السطر ده مكسور.. فَ وَصَفَنِي بِالْمِلِي
المعنى ده معذور.. بِالصُّدْفَةِ صَار خِلِي
شال عني نُصْ اهِم.. وَالْبَاقِي وَرَّعْتُهُ
ع القافية والأفكار.. وَفَاضِلِّي كَام مِلِي

مُحَدَّر فِشْنِك

يقول: الجوع، ا قوله: شَبَع

يقول: موجوع، ا قوله: شِفا

أحس ف عينُه حُزن اضحك

يقول: محتاج، ا قوله: كَفَى

يقول: الموت، ا قوله: حياه

يقول: بردان، ا قوله: دَفا

بيمسح حُزنُه/ يتحبر

يقولي وا قوله/ يتصبر

يحبس ب شئ ا قول ضِدُّه

واخذَر ضعفُه ميا تُرْش

يسد الجوع ب قول ناشِف

وصبر إتعَرَى من جِلْدُه

ب اخْطِي ب املي في عروْقُه

وتغرز رجلي في شقوْقُه

ف يلِمِس ضعف في ردودي

وقِلَّة حيلة موقوْتة

بَتَفَجَّرَ قِصَادُ عَجْزِهِ
وَبَتَدَمَّرُ حَيْطَانُ جَلْدِهِ
كَلَامِي مَعَاهُ مَكَانِشُ عِلَاجِ
لَكِنْ تَصْبِيرُ عِشَانِ يِرَاحِ
تَحْيَلْ لِي فِيَا هِدْوِ
وَفِيرِيُونِ قَلْبِي فِي الْعَالِي
وَهَمِّيْ اِتَّصَفَى وَاتَّبَحَّرْ
فَ حَبِّ يَشُوفَهَا بَ عَيْنِيَا
يِرْتَّبْ فِي الْيِ مَتَبَعْتَرِ
دَخَلَ عِلْشَانُ يَزِيدُ فِيَا
خَرَجَ نَاقِصَ حَاجَاتِ اكْتَرِ

...

يا صُبح شقشق.. وَلَا اقولك
بُكره جايز يبقى اوَحش م الي فات
وَلَا مُمكن تبتي في كشكول جديد
تبقى اول صفحة بهجة ونور يعيش
واقفل الكشكول ب ضَبَّة من الحديد
وارمي كشاكيلي الي صَبَحَت متساوِيش

SKIP>>

أورانوس

(Level 5 - completed)

القُبْعَة السودا

دَخَلْني الشِّعر من اوسَع بيبان روحي
وددقدق نفسُه ك المُسمار في جُدرانها
فَرَشَتْ الفكرة سِجَّادَة ومداس لـ خُطاه
وصار الوحي عنوانها وإدمانها
دَخَلَ للملم خُطام نفسي وجمَّعني
خَرَجَ كُلُّ الي فات مِنِّي ورجَّعني
وخاب تصويب سِهام الهم في نَشانها
كُتِبَتْ قصايدي من وَحي اني متشَوِّش
ف داب الشعر فيا وقولت انا مرايْتَه
بيستقبل سطور القاسية لَمَّا تثور
ويستحمِلني لما ازرع حروفي البور
أذيتني فوبيا الإختلاط بالناس وأعمالهم
أذيت فوبيا الحنين للذكريات الزور
وَقَصَّيت الحياة مغلوب بدون ما لعب
وكنْتُ مع الفشل في الدور كثير بَصَرَة
اخذت الحظ من جيبي الي كان مقطوع

لكن مليون.. بـ صنف الحسرة والكسرة
بنيت عالم يكون عالم بـ أحوالي
وبيه هجمع ما بين السحر وخيالي
وفيه ضعف الي انا إتمنيته إجمالي
وعقلي القُبعة السوداء...
وقلمي الإيد
يمد بـ حبره جواها
فـ يطلع مني سطر جديد
هـربت مع القمر من نُقب مِتَبقي
رَسَمَت الشمس بـ جناح زي ما اتمنيته
وصلت بـ تشبيهاتي لـ حضن من حقي
جريت جواه وأول ما انبسطت.. مشيت!
عاتبت الليل على الأحزان في سهراته
وعَدني يبدّل السهرات... بـ حلم سعيد
عاتبني عشان..
غازلت المرة دي مرأته
وقولت «الليكة» دي اجمل ليالي العمر
ومن حيث القلّك..
فـ إتفقوا على بُرجي

بيكون البُرج من حالتي وإسمه «وحيد»
دَخَلت الوحدة من باب الـ «مفيش غيرها»
وسببت الدنيا من باب «نفسى مرجعهاش»
كِرِهت الكُره في طباعهم ورا التمثيل
وَحَدَّثني صاحب ألجأ له في تخاريفي
ومهما بتوه معاه في السكة ميمَلَّش
ولما احتاج.. مايجذِلنِيش وميكلَّش
فَقَصرت حياتي ع الكلمة وع التشبيه
وصاحبي المَجْدَع الي انا عَنُّه مستغناش
رَجِعت من إغترابي.. في قرية الوحدة
وسايب فدانين إحباط
ماصدَّقتش..
بإن الشَّعر حل هروب
لَكُنْه بـ صورة يصنَعُلك صحاب إسقاط
...

الجريمة الكاملة كانت
يوم ما سابت.. بين مسامي
بصمة الإيد في الوداع
بدلت بصمات أيديا
يوم ما فارقت بـ إختيار
يومها شددت حبل روحها
فوق عنق روعي / بإيديها
وهي بتسلم عليا
فبانة الوقعة إنتحار...

بَصْرِفَنِي

كُلُّ اللي انا شايِلُهُ في مَحَفَظَتِي
كان هي..

وَنَفْسِي اُظُنْ مَفِيش
كنت اصْرِفْ مِنِّي واحْوَشْهَا
مَصْرَفْتِش مِنْهَا ومش صارِفْ
كل التحوِيش ده ومش عارِفْ
إزاي ضاعَتْ.. مع إني حريص
كنا بنتعازِم على بُكْرَه
ك تذاكر قطر بتحلالي
ف اقطعها بـ رَغْم اني عاوزها
فَقَطَعْتَنِي وملِحِقْتِش بُكْرَه
من يومها وهو مبيعَدِّيش
كل اللي انا شايِلَه في أَيامي
كان شَيْءٌ مُتَوَقَّعٌ ميكَمِّلش
جوابات كتبتني وبعثتني
ولحد الآن
انا لسة بدور ع العنوان

ريجة برفان لابسة هدومي
كانت جيبها في عيد مجهول
تأثيرها كان اخطر م الدخان
بالوقت بتبعد زي ما جت
اذا كانت هي او البرفان
الكُرسى اللي في اوضة نومي
إتكسر بدري عن المعتاد
ملحقتش اقله هتوحشني
معرّش حقيقي يحوّشني
او يصرف مني كلام وقُعاد
كل اللي انا شايله في احلامي
وهمين ما عرفتش اغيّرهم
«هوصل» و «وَصَلت»
وموصلتش!

ولا حتى عرفت آخرهم فين
بقطع نُص المسافات بالكاد
وأتعشّم فيها ف تكسّفني
لسة الأوهام مالية جيوي
وانا لسة بَحَوّش... وأصرّفي

...

يا كرب هَوْن.. وَلَا اقُولُكَ
يَمْكِنُ الْحِكْمَةَ اِنِّي اصْبِرُ عِ الْبَلَا
حَتَّى لَوْ هَتَشْتَّى هُم مِّن السَّمَا
كُلْ كَرْبْ جَزَاؤُهُ نِعْمَةٌ مُّقَدَّمَةٌ
كَلَّمَا زَادَ التَّعَبُ.. رَقَّ الْجَزَاءُ
كَلَّمَا زَادَتْ نِعَمٌ.. صَابَنَا الْعَمَا

SKIP>>

(Level 6 - completed)

لو إتأخّرت لـ دقائق

لو إتأخّرت لـ دقائق
وكنّت نسييت فلوس مثلاً
رجعت تجيبها متأزّم
نزلت بسرعة لـ معادك
وفرقت خطوتين بالضبط
وكان ممكن تكون حادثة
تموت فيها..
لو انت نزلت في معادك
بدون الخطوتين الفرق
هتعدّي بنت..
الي انت كان ممكن تشوفها تحبّها
لو كنت سرّعت الخطى ولمحتها
غيرك هياخد Taxi كات عينك عليه
يوصف مكان غير وجهتك
فيروح عليك.. إنترفيو افضل وظيفة
لقتها بعد عناء وصبر

هَيْخُشْ فِيهِ غَيْرَكَ وَيَاخُدْ فُرْصَتَكَ
وَأَنْتَ ال CV بَتَاعَكَ مَوْهَلْ لِلْقَبُولِ
دُونِ ادْنَى شَكْ
آخِرْ مَعَادِ قَطْر لـ رَجُوعِ
تَسْأَلْ يَقُولُكَ: - «لَيْسَ طَالِعٌ مِنْ مَفِيش!»
وَيُضِيعُ عَلَيْكَ مَقْعَدَ آخِرِ
فِي دَرَجَةِ تَانِيَةِ مُمَيَّزَةٍ
تُخَسِّرُ ثَوَابَ إِنَّكَ تَعْدِّي ضَرِيرِ عَجُوزِ
نَاحِيَةِ رَصِيفِ
مِنْ شَخْصٍ لَهُ خَطَوَاتٌ سَرِيعَةٍ
وَلِحْفُهُ قَبْلَكَ... وَصَلُهُ
تَنْدَمُ عِشَانِ سِتِّكَ «كَذَا»
طَلَبْتَ تَشَوُّفَكَ قَبْلَ لِحْظَاتِ مِ الْوَفَا
كَنتَ إِنَّتَ جِيتَ مِنْ بَعْدِهَا
مَلِحَقْتَهَا ش..
وَقَعَدْتَ تَبْكِي تَقُولُ «يَارَيْتِ»

لو إتقدّمت لـ دقائق
وما نسيّتش الفلوس مثلاً

هتتعرّض لـ موت مُؤسّف
هتعدّي بنت
الي انت كان ممكن تشوفها متعجبكش
وركبت Taxi كات عينك عليه
تلحق معاد إنترفيو افضل وظيفة
لقتها بعد عناء وصبر
تدخل وتأخذ فُرصتك
يطلع سراب!..
ومميزات في الإعلانات
عكس الحقيقة المطلقة
تلحق معاد قطر الرجوع
تحصل خناقة ومُشكلة
وبوليس وقسم وبهدلة
تلحق تعدّي ضرير عجوز
فـ يقولك:- «إبني معايا تُشكر ع الجميل»
ماتعدّي هوش
والنية في الحاليتين ثواب
تلحق تشوف سِتّك «كذا»
ويعيش معاك..

مشهد طلوع روحها السما
ومتنسا هوش من شدته
وئصاب بـ نوبة إكتئاب

لو إتأخرت لـ دقائق
فده لـ أسباب متعرفهاش
وده الأنسب وأصلح ليك
وكل ما كان هيقالك
لـ غيرك يبقى متسخر
لو إتمنيت
بإنك تبقى في معادك
وشوفت ما كان هيحصل لك
تقول من تاني بـ إرادتك
ياريتني نزلت متأخر

...

النور قَطَعَ،
ولَّعت شَمْعَة وقفت قُدَّامها
وببص لـ خيالي.. لقيتها ويايا
فتحت إيدي / ولسة هحضنها
النور رَجِع.. خافِت
تظَهَر في ضوء خافِت
وتختفي فيا
شغَّلت أُغْنِيَة
وقفلت تاني النور.. ورجعت بالمشهد
بالنسبة لـ إرادتي:-
بصَّيت على الحِيْطَة.. ورقصت وياها
واستمتعت.. حسَّيت
زي امَّا كان نفسي
بالنسبة للشَمْعَة.. من زاوية الواقع:-
رَقَصت مع نفسي!..

فوق السطور

بَكْتِبْ كَأَنِي الْقَلَمُ
وَكَايْنُكَ إِنْتِي الْحَبْرُ
فِيَا اْعِيْشْ حَيَاتِي اَكْتَبِكِ
أَوْ امُوتِ وَأَنَا فَاضِي
سَطَّرْتُ وَرَقَ أبيض جَدِيدِ
عَلْشَانَ أَشُوفُكَ عِ السُّطُورِ
أَوْ فِي الْهُوَامِشِ لَمَّا أَحَبَّ امِسْكَ اِيْدِيْكَ
أَوْ احْضُنْكَ
وَالْهَامِشِ اِيه؟.. غَيْرِ رُكْنِ مَبِيلْفِتْشْ حَدِ
وَأَزْعَلْ لَوْ إِضْطَرَيْتْ أَبُوسْكَ
فَوْقَ سَطُورِ كَشْكُولِ مَدَارِسِ
وَأَنْتِي عَارِفَةٌ بَغَيْرِ عَلِيْكَ مِنْ الْغَرِيبِ.. لَوْ يَلْمَحْكَ
وَأَزْعَلْ لَوْ أَلِ «Correct» قَرَرِ يَمْسَحْكَ
أَوْ لَمَّا يَجْمَعُ بَيْنَنَا رَدِ «مَفِيْشْ نَصِيْبِ»
مَبْنِتْلَاقَاشِ..
غَيْرِ لَوْ خِيَالِ كَاتِبِ سَرَحِ

شَغَلْ موسيقي بيعتبرها المُلهمَة
فَد رَقَصْنَا مع حركات صوابُعُه على السطور
وننط مسافات ويا بعض.. ونرتكز فوق النُقْط
او نكتفي..

اول ما يكتب نقطة (.) ك نهاية لـ كلام
بكتب كأني القلم

وان انتي حبر الروح.. مبتعرفيش نُقصان
بكتب فـ اقابلك ع السطور

او جوه هامش من خيالي
ده لما احب امسك ايديكي او احضنك

وخيالي ايه؟.. غير رُكن مبيلفتش حد
زعلان لآن البجي قرر يمسخك

وان الورق آخر مكان
بتمشي فيه عَشْمِي المَحْك

لو حتى كان كشكول مدارس
من بتوع جوابات زمان

طيفك رقيق.. وبرغم ده زي الحديد
مبتلاقاش

غير لما بكتب لك كلامي المغناطيس!

بسمَع موسيقى بَتِعْجِيك
ولهذا سَمَّيْتُها الموسيقى المُلْهِمَة
ف جرينا نِرْقُص ع السطور
وبقيت بشيلك كُل ما تحين المسافة
عشان مَحْسَّش بيها برضو مع الكلام
فاضل ثواني على الموسيقى وتنتهي
وهتَرْجَعِي مطرح ما كُنْتي وتحتفي
فَ كُتبت نَقْطَة (٠).. وقومت انا

...

يا ضُهر اذْن.. ولا اقوْلْك
نِفسِي مرّة الحق جماعتك في الحُسين
واخذ ثواب مع كل خطوة في الطريق
وابكي وادمّع في الدُعا عند المقام
وادي اني متعلّقش تاني بأي شئ
مش من نصيبي لِكِنَّه سَبيلي ازدهام

SKIP>>

بلوتو

(Level 7 - completed)

لو/كان

«جُغرافيا الخط الرأسي لـ كوكب «كان»

مافيهاش ألوان.. غير الداكن

مافيهاش ولا اخضر ولا يابس

مافيهاش ولا واحد مش يائس

ومالوش احزان.. بانية مساكن

توقيته الدولي مجوز بيدور

عكس الأزمان

توارى عشان رهن إمبارح

فـ جديدة قديم

وقديمه سيان

بيعيد ويزيد في الي بننسا

والي بننسا بيعيد فينا

وبيبني صخور من حكاوينا

إحنا سفينة وهو الرُّبَّان
والبحر الميت مات مِتْسَاب
من غير اسباب.. نُسْتَنْجِها
والبحر الأبيض حَب وداب
في حبيبته وغيره إِسْتَدْرِجها
مِسْتَنِّي تعود.. بيحِنَّاها
من قرن غياب
الحاسّة السادسة المجهولة
لو تقدر تنسى وبسهولة
كل الأحداث المَنْقولة
على هَضْبَة ماضي في صحرا الليل
من غير تأويل
الخطّ الواصل بين بُكَرَة
وبين امبارح..
محتاج تَعْدِيل
مَليان تعاريج مِش موزونة

في الكوكب دُنيا ومسكوّنة
بالذِكرى وغيرها من التفاصيل
والوقت ييمشي بِبطء غريب
يَمكِن عقرب لدع الثاني
وَلَا لدعني
علشان لما ادخل جُحر الخوف
مطلّعش جريح او يَخْدَعني
ولا يَقْدَرع اللدعة الثانية»

«جُغرافيا الخط الراسي لـ كوكب «لو»
من حالة الجو
فيه سحاب بيثيلك بِجناحه
ويساعدك تصنّع شكل الآن
بقديم إحلو
ويمطّر دفا يسعد بردان
بجراح ساحوا

والسما ارض الحالم مالسّة
والسكّة نجوم حلوة وسليسة
والقمر إندرب على رقصة..
«الخوف دبلان»

توقيتته الدولي يجوز بيدور
عكس الأحزان
توارينه عشان رهن الأحلام
فجديده خيال
وقديمه سيان

بيعيد ويزيد في الجاي لينا
وبييني سحاب من حكاوينا
هو سفينة وإحنا الرّبّان
وبجور السما ما تكفينا
الحاسة السادسة المجهولة
هي أنك تضحك بسهولة
بالضحكة الصافية المنقولة

على خد النِجْمَة في ضي الليل

من غير تمثيل

الحط الواصل بين بكُره

وخيال بَعْدُه

محتاج تطويل

ب مُعادلة بسيطة وموزونة

في الكوكب دُنيا ومسكونة

ب سكون وهدوء ناعم وجميل

والوقت ييمشي ب بُطء غريب

يمكن عقرب شدّه الطيران

ساب الثاني

اخر نفسه يشوف الدنيا

من رِمَش سحاب/ مَنظَر تاني

تتأخّر علشائه الثانية»

جُغرافيا الحَط الأفقي لـ كوكب «لو»

شبه موازية

لـ خطوط أفقية لـ كوكب «كان»

مش خاضعة لقوانين الفيزيا

نُصِّينَ لـ خَرِيطَةَ بَيْتَقَابِلُوا

عملوا من الواقع فانتازيا

...

خَبَّطْتُ..

قَالَتْ:- «مين؟»

فَ مَشَيْتِ عَلَى إِطْمَنَّانٍ

إِنْ الْجَمِيلَةَ بِ خَيْرٍ..

جُوءَ الإِزَاة

الرؤية مالها مِنْغِبْشَة؟
غَيْبِيَّةٌ مُمَكِّنْ او هبوط
كُلْ أَمَّا اخْطِي..
اخْبَطْ فِي حَيْطِ نَاعِمِ طَوِيلِ
بِ نَوَاحِي دَايِرَة مَقَقَلَة
اقْعُدْ وَاكْتَفِ رَجْلِي بَعْدَ مَا اضْمُمْهُمْ
بِإِيْدِيَا.. مِنْ فَعْلِ الزَّهَقِ
فَدْتَصِيْبِي طَلَقَة مِنْ الْهُدُوءِ
انْزِفْ جَزَعِ
صَبْرِي إِتْمَزَعِ
وَالطَّاقَة خَلَصَتْ مِ الْمَفَاوِضَة مَعَ الْهَرُوبِ
كُلْ الْحِكَايَة بِإِيَّيِّ بَاعَتْ
١٠٠ رِسَالَة لَ عِنْدَهَا
وَالصَّبْرُ بَسْ بِيخْتِيرِنِي
حَظَّنِي جَوْهَ الْإِزَاةِ فِي عَرْضِ مَحَرِ
وَرَدَّهَا حَلِ الْخُرُوجِ!

يا قمر فوتنا.. وَلَا اقولك
هي يعني السهرة تحلى إلا بيك
ضلّم العالم بحالُه الا روحنا
وارمي نورك بين قلوبنا وضلنا
لما كل الكون يسوّس من جروحنا
مين في طبيبتك ييحاوطنا يضمنا

SKIP>>

الزُّهْرَة

(Level 8 - completed)

رَبِّ الْقَصِيدَةِ

مَتَصَدَّقُوش..

الحُزْنُ فِي الشَّعْرِ الْخَبِيثِ

ذُئِبَ الْحُرُوفِ

بِيَمُصْ إِحْسَاسَ الْبَشَرِ مَشْ دَمُهُمْ

بِيَدِّبْ أَنْيَابَ الْكَلَامِ

فِي عُرُوقِ مَاضِيكَ وَتَأْتُرِّكَ

وَالْحِرْفَةَ رَابِطِ

حَبْلِ إِحْسَاسِكَ بِقَلَمِهِ

يَمْشِي فَوْقَ مِنْهُ بِتَوَازُنِ

رَاقِصَةً فِي عَرْضِ الْبَالِيهِ

يَنْهِي عَرْضَهُ بِكُلِّ دِقَّةٍ

وَأَنْتَ هَتَصَقَّفَ عَلَيْهِ

هُوَ..

بَطْلُ الْقَصِيدَةِ مَنْزُوعِ الْأَمَلِ

عُزْلَتُهُ الدَّوْشَةُ وَدَمُوعُهُ

حُضْنُ مُسْتَهْلِكٍ بِكَثْرَةِ

برفانات راودت قميصه
وَقِعُوا بَيْنَ تَقْلِيمِهِ أُسْرَى
بَوْسَةً قَطَعَتْ خَوْفُهُ مِنْهَا
كَلِمَةً قَتَلَتْ ضِلَّ حِلْمُهُ
وَعُمَرُ بَيْنَصَفَ مَكَائِهِ
مَشْهَدِيَّةٌ كُلُّ حَسْرَةٍ
هُوَ تَفَاصِيلُهَا الْمَثِيرَةُ لِلشُّكُوكِ
أَزَايَ مِيعَرَفَافَاشٍ وَيَعْرِفُ لِبَسَهَا؟
مَشِيَّتُهَا مَائِلَةٌ بِثِقَلِ سَنَظَةِ
فِيهَا لِحَظَاتُهُمْ سَوَا
رُوحَهَا إِلَى حَظَّتْهُوْلِهِ فِي مُقَابِلَةِ وَدَاعِهِ
مَشْ رَجُوعُهُ
صَوْتُهَا الرَّقِيقُ الْمُخْتَلِفُ
وَتَعَامُدُ الْحُبِّ فِي عَيْنَيْهَا
وَأَنْشِطَارُهُ أَتْنِينَ فُرَاقٍ
هُوَ..
جُوكِرُ الْعَرْضِ الدَّرَامِيِّ
وَكُلُّ أَدْوَارِ الْقَصِيدَةِ
وَجَعَ النِّهَايَةِ فِي كُلِّ نَصِّ بِيَكْتِبُهُ

وكأنَّه مسحوب من ضلوعه

يعني مثلاً..

لما شافها في آخر الشارع محبَّش

تَلَمَّحُه

بين ما ينسى ويفتِكِرْها

هيَّ خُصَلَة

تَقْدَر تِلَف الذكريات حوالين رِقْبَتُه

فشاف من الأفضل هروبه

وحط حل في سطر بوصله

أو لَمَّا خَلَّى الصُدْقَة تَجْمَعُهُمْ سوا

إختار يكون مشهد خيانة ويجرَّحُه

شَبَّك إيديها في إيد حبيبها

قصاد عينيه

فَرَّق جميع احلامه علناً

ع الي لسة محجَّرْ بوش

وإختار نهاية ب نَص مَكْسَب

هيَّ بَتَكْمَل ما شافُه

وهو شاف ميكْمَلْ بوش

ليه مقالش بـإنه مثلا
كان في شارع
فيه محل بـدل جديدة
تـلفـتـه البـدلة الـ «Dior»
ويا ساعة «Rolex» غالية
وإنها في الوقت نفسـه
ويا غيرـه في أي مـطـعم
طالبة نوع كان هو طالبـه
مـجـالـمة لـ عزومـته اللطيفة
يـبـوس إيديها وهي ماشية
والمفاجئ بل ومُفجع
النهاية خيانة برضو!
حتى تغيير الأماكن والمصادفة
أنتج إن فراقها غلبه
والنصيب لـسـاه معارضـه

الخِیَوطُ فِي الْقِصَّةِ أَجْمَعِ
مِلْكُ إِيدِ رَبِّ الْقِصِيدَةِ
عَارِفُ امْتِ بِيَجْرَحُهُ

وامتى يفاديه
هو بيبحرّك صوابعه
زي ما المشهد يروق له
بس مبيقصّدش يقسى
اوده ناتج عن مُنافسة
بين هواجسه وبين ماضيه
النهاية القاسية أوجع
بعد لحظات إكتشافها
والدراما الحية أوقع
من نهاية الكل شافها
سطره طعم في فخ مُتقن
وانت إحساسك فريسة
والي تحسب إنّه موسى
يبقى صاحب نص زوّد لك ألم
متصدّقوش
ذئب الحروف المُكتئب
كاتب النص.. المُزيّف
مُفتعل قصص الدراما المُؤسفة
بيسيل لُعب الكذب من قلمه العفيف

فوق كل سطر بيسرْدُه
الشعر كدب وله رجول
مبينكش فوش.. ينمَجْدُه
الا إن كُتِبَ عن تَجْرِبة
إرخوا في جبال إحساسكوا
عملاً بالحدَر
وان نَصُّه كان نوع م الزيف
شوفوا الجروح واتأكّدوا!

...

كُنت ناوي في حُضني اخُدها
مَرَّةً واحدةً بدون جدال
فجأة دَبُّوس طرحة بارز
شَكَّني في كِتفي الشِّمال
كان علامة بـإني مُخْطِئ
مِنْ يومِها وكل ما اسرح
شَكَّة بتهد الخيال!

آلة مكان

عينها امّا خَبِطت عيني بالصُدفة

في طريق ذهاب وإياب

كانت إياب اما انا

فين وجهتي؟.. مَعْرِفش!

فَـ وَقِفْتَ مِتَسَمَّر

كات عينها بروجيكتور

وانا قلبي شاشة عَرَض

دار فيها كُلّ الجاي

مَطْعَم مجاز راكِب

فوق كِتِف نيل طَيِّب

وانا قاعة إنتظارات

يدخلها ناس ناقصين

يخْرِجُهَا ناسَ كامِلَة
او نُصْ قلب وحيـد
مِسْتَيِّ يَصْبِحْ قلب
وانا ايدي على خَدِّي
وشوية على رجلي
او يعني مش عارف
تعايري مَلَّتْ صَبْر
وعِرِقت شوق جارِف
فجاة المكان اِبْتَسَم
يبدو اِنَّهَا طَلَّتْ
معزوفة واتَحَلَّتْ
عن آله صوتها رقيق
جَوَّاهَا بَرَّاهَا.. نفس الجمال الخام
فُستَانهَا نُصُّه اِتَكْوَى
والتاني م الصَّرْبَعَة
يَشْبِه سَنِين عمري

متكرمشين م الشقا
كان لوئُه لون قَلبي
يبدو عليه الرَبَكَة
وآثار تَرَدُّد تام
مكانتش جايَة إِنَّمَا
قبل المعاد ب مفيش
وافقت معادي ب لُفا
قَعَدِت قُصاد ميني
ع الكرسي اوع العرش
طبع الأَميرَة الجمال
واحنا الي طوع القَمَر
ساعة ما ينزل لنا
من بعد شوط مِن صمت
وضياع قُرص تَسديد
قوليلها قَلبي جديد
في اللعَبَة دي بالذات

عاشق ولف وتاه
في حواري كَمّ بنات.. «مرايات»
معكِستهوش
وانتي الفريدة عشان
نفسه.. ب فرق فاشوش
فكشفت عن تفاصيل
ممكن تكفي فصول
لكن جميعها خريف
أما انتي فصل ربيع
وانا ع المحطة غريب
زي ابن قرية «هنا»
ما يزور مدينة «هناك»
هيحس فرق لغات
وانا فرقي في الأجواء
فراشاتك الحلوين
مصّت رحيق عيني

خَلَّتْنِي اِحْبَكْ حَقِيقِي.. مُتَحَمِّلُ الْأَعْبَاءِ
صَبَّيْتُ قَزَائِي كَلَامِي
فِي كَاسَاتِكَ الْفَارِغِينَ
فِي صِحَّتِكَ وَلَا!.. مِشْ نَآوِيَةِ تِمْلِي الْكَاسِ؟
أَنَا أَصْلِي نَفْسِي أَدُوقُ
طَعْمَ لَهْ كَلَامِ مِتْبَاسِ
مِنْ شَقَّتَيْنِ أَلْمَاسِ
عُذْرًا يَا سِتَ النَّاسِ
مَقْصُودْشِ حَانَ رَدِّكَ

في كلاكس جه في وِدي
خَرَجْني مِ الجَنَّةِ
مَبْحِثُ الثَّقَّاحِ / والزَّحْمَةُ طَرِدَتْني
عَرَبِيَّة دَاسَتْ خيال
بعد اَمَّا دَقَ الحَظ
اصْبَحَ طريح الأرض

هَيَّ الي مِش هَيَّ
خَلَّتْني مِش فيا
بنت «الرَّبيع» سايت
مَشْهَد روتيني وفظ
لـ خريف بيقْتِل وَرد
نَطْ جُوَّة وداني فجاة صوت مِنْبَّه
فاق مُداخلات كل صوت في الحِلْم عِنَوَة
دَوِشَة الناس والزحَام والتفصيلات
آلة مَكَان في الحِلْم
والصَّحْوَة: الرجوع
من نوم لـ وَهم في حِلْم
والنَّقْلَة: إرتجال
اوزي صَفْ خيوط بـ لونها المُخْتَلِف
بتزورني بالترتيب حَسَب ما الحِلْم رَص
واي فَتْحَة عين: مَقْص
وانا: مَصْدَر الدَّهْشَة الي ناتج عن ما كان

مِش حِلْم بل إسمُه: جِنَاحَات

خَلَانِي أَشُوف الْجَنَّة مِن مَطَرَح بَعِيد

وَمُجَرَّد التَّظَرَّة وَوَقَعْتَ

وَإِنَا زِي مَا دَخَلْتَ لَهِنَاكَ

مِن نَوْمِي لَه «الْحَلْم الْعَجِيب»

لَه *مُقَابَلَةٌ فِي عَيْنَيْهَا الْجُمَال*

بِخُرُج بَعْد تَنَازُلِي

مِن *رَدَّهَا* لَه «حِلْمِي» وَرَجَعْتَ

...

يا شِدَّة زولي.. ولا اقوِّلك
وضَّحيلي حبيبي ليا مِن عزولي
قَرَّي الناس الي بيهم حُزني باش
والي شايدين هَمِّي فوق المُحتمَل
وابعدي الناس الي معدنهم قُماش
وافتحيلهم باب يفوَّت ١٠٠ جَمَل

SKIP>>

(Level 9 - completed)

شمس النفوس

السَّقْفُ أَشْبَهَ بالطريق قَرَّبَ وضاق
والبُعد بين أرضي وسماه
مبقاش بَرَّاح
الضَّلَمَة حَلَّتْ ليه؟ وليه؟
النور بيتسَحَب وسهى اربع حيطان
واقفين حَرَس مِن غير باريه
السَّقْف اوضَح شاشَة غامقة
لناس حياتهم ضلُّهم
بَشِيه لُهم
وبشوف سَواد نَفسي في بَياض
لون البَياض
وبدوب ك تلجَة بتعترف
بذنوب قُصاد شمس النفوس!
حِلْم وكابوس..
متجمَّعين في اللَّحْظَة دي
النوم بياخذك ده يا ده

في اليَقَظَة الإِثنين زي بَعْض
انتَ الي بتحاسبِك عليك
وانت الي بتشوفهم سَواد
وَبَقيت تخاف.. عاجبك كِدَة؟
الليل ما صَدَق يَمِسِگْكَ
وَصَّى الحِساب يَسْتَهْلِكْكَ
هما الفريسة مش الخِلاف
تَبقى انت طُعم المَصِيْدَة!
جِبْنَك وَجُبْنَك ايْدَك
مقفولة والمَخْرَج في حل
هو الي سَهْل يَنْقَدَك
ويُخَرِّجَك مِنْ شَرِّها:-
الشَّمس تَطْلَع تَنْجِدَك!

...

قابِلتْ حُزن يبقَطعْ هُدوم واحد صبور
شَد إنتباهي إن الحِناقة مِن طَرَف
والتاني مِش عارف يَرُد
وبدون ما اسَلَّك
إِتَنَتَش كُم القَميص
وَإِتَكْعَبِلت رِجلي ووقعت في مُشكِة
فَ سَحَبني مِن ايدي الشِمال
خوفي الرخيص.. مقاومتِهوش!
في السِكة بسأل نفسي:- هل جاي دوري بَعْدُه؟
ولا ده نتاج الفضول؟
اوليه مفيش
ولا شئ سَحَب ايدي اليمين
نِدْخُل نحوش!؟...

زي الطيور

محققتش حاجات ياما

في يوم مثلاً

واقف فوق سور البلكونة ومقرر اطيير

بصيت لـ تحت

احبال غسيل / عربيتين.. راكنين قصاد جارنا السئيل / يببُص لي..

وكأني مجنون او مريض/ تحتينا دور واحبال غسيل فوقهم حاجات/ اتنين من

الماشيين شافوني استغربوا / وأمي في المطبخ يتصرخ.. لجل ابويا يشدني / عمي

واقف فوق باصص لي.. ضحكلي فكَر اني بضحك...

الطيور بتبُص فوق علشان تطير

نحو السما

اما انا بصيت لـ تحت

عمي باصص ليا تحت

لما كايت عيني تحت

امي خافت لـ اتكسر م الوقعة تحت

جاري فَنِّرْ آتِيَّ مَجْنُونٍ أَوْ مَرِيضٍ
حُبٌّ يَخْلُصُ مِنْ هُمُومِهِ.. هَيْتَ تَحْرُ بِالنَّطِّ تَحْتَ
الِي فَاتِ مَشْهَدِ خِيَالِي
وَالْغَرِيبِ فِي الْأَمْرِ أَجْمَعِ
كَنتَ وَاقِفٌ تَحْتَ بَيْتِنَا بَبْصَ فَوْقِ
زِي الطَّيُورِ
لَسَةُ بَرْفَعِ أَيْدِي حَالِمِ أِنِي الطَّيْرِ
اكتَشَفْتَ بِـ إِنْ أَيْدٍ كَانَتْ فِي جَيْبِي
وَإَيْدٍ بَسَلَمَ بِيهَا عَلَى عَمِي أَلِي فَوْقِ
وَبَيْتِ سَمَلِي
وَإِنْ جَنَاحَاتِي الصَّحِيَّةُ
مَقْصُوصِينَ مِنْ حِلْمٍ وَهَمِي
وَإِنْ وَسَّعَ خِيَالِي عَيْبِي
وَإِنْ كُلُّ النَّاسِ دِي رَحَلَتْ مِ الْبُيُوتِ
وَجَدُوا الْحَيَاةَ فَوْقَ السَّمَاءِ
وَإِنَّا كُلُّ لَيْلٍ..

ببعت سطور شِعْر لنجومهم

فيها بتمتَّى المزار

ولا مرة جاني قبول ازورهم

قولت اجزَّب بالنهار!

...

يا خَطَوَة هَدِّي.. وَلَا اقوِّلْكَ
هما يعني لما هَدُّوا اخدوا ايه؟
مَدِّي حَبَّة وإِسْبَقِي الأحداث بِ مِيل
والحقي الفاضل في عمري عشان قليل
واكتبيلي إسمي بالفونط العريض
«زايِر الواقع يادوب عابِر سبيل»

SKIP>>

الشمس

(Level 10 - start)

إعلان بداية الحرب

كل أمّا يتقال فيه مُدَنَّب

مَر فوق كوكبنا اخاف

يشبه قذيفة مُوجَّهة.. من جيش لـ جيش

مش مُتقنة

اسرح واقول..

فيه حرب فوق مِش مُعلنة

منعاً لـ تهويل الصُّحف والاختلاف

تظهر سحابة بـ لون غريب

وكأنّها مُصابة بـ زُكام

تُعدي السحاب نفْس المَرَض

يحصل مَطَر..

والرعد يعمل صوت رهيب

أصرُخ واقول.. الجو حَرَب

سامعين ؟.. فيه ضَرْب!

بُكرة البيوت يتغرَّقوا

الكون ما فيش مَن يلحُّه

فد يقولِّي اخويا الدار أمان
ما تخافش ده طبع الشتاء
وانا طفل زيني.. مالوش غير إنه يصدِّقه

...

أعرَف عن الخوف والقنابل
والرُصاص والدبَّابات
أعرف ده «مات»
في منافسة بين بلدين عشان
توسيع مساحة حُكمهم
والسلطة تاج فوق راس مُجَرَّد أغبيا
والرب شايف كل شئ
سخر جماد الأرض يبقوا شهود عيان
محتاج أغَيِّر في الحاجات...
حوش الخيال في دماغي أجمل من باريس
واوسع من العالم وتفكير الفلاسفة
ومنطق العصر الحديث
ألمح بـ قلبي.. الدنيا ايه فوق في الفضاء
واشرب خيالي
واتَّف واقع.. كل ما انوي المضمضة!
وارسم بـ عقلي اللوحة من غير تعديلات

كل الكواكب كانوا واحد في الأساس
بينهم عداوة..

وغيرة ومنافسة وجشع
زي البلاد على أرضنا.. واتوَفَّقوا
قَسَموا الميراث بينهم بـ حِسبة مُعيَّنة
واتفرَّقوا!

والشمس وحش بـ قلب أبيض.. قدَّها
محصورة في محيط... صعب تتخطَّاه
والا تكون نهاية مُؤكَّدة
مضطرة رُغماً عَنْها تِلْزَم حَدَّها
كل أَمَّا تبدأ حرب بينهم
هي تبدأ حيرة بينها... واختيار
علشان كدة..

الشمس رمز الوحدة خوفاً مِنْها
والعزلة فرض عليها أو أسلم قرار
دارت ما بينهم حرب فجأة
وكل كوكب خد قرار شن الهجوم
وبجُسن النية الشمس حَبَّت تلقى حل
سابت مكانها... وسبَّبت للكون دمار

Game over